


sanjvwnz

# Dauqngeix Gaiq Soujgaen

## 怀念手帕

□Mungz Ningz/蒙宁



Gyoengqvunz seizneix caen rox yiengsauh lai lo, danhfanz guh gijmaz cungj sienq siengj daengz baenzlawz hawj swheij lai ndaej yiengsauh di. Vihneix, haujlai doxgaiq ndei seizgonq cienz roengzdaeuj haenx, daengz seizneix lienz gij ngauez hix mbouj raen lo. Neix dauqdae dwg gij saeh ndei ne, roxnaeuz dwg gij saeh mbouj ndei ne. Gak boux miz gak boux siengfap, gangj boux miz gangj cungj gangfap. Hoeng, baez siengj dwg gaiq soujgaen youq caet betcib nienzdaih gig riuzhengz haenx, dauq hawj gou dauqngeix gaiq soujgaenq seizhaenx dangqmaz.

Geiq ndaej youq caet betcib nienzdaih seizhaenx, gaiq soujgaen dwg cungj saenfaenh siengcwngh, hix dwg saenzcingz saimbwk. Ndaw daeh bouxlawz miz gaiq soujgaen ndeu, bouxhaenx couh dwg miznaj dangqmaz. Aenvih, gaiq soujgaen haenx gig hojnaengz lwnhgangj bouxcawj dwg vunz gijmaz, roxnaeuz lwnhgangj bouxcawj haenx miz duenh goj maezvunz ndeu. Ndigah, gyoengqvunz okdou bae gyae ndaw daeh cungj daiqdawz gaiq soujgaen ndeu, couh lumj gyoengqvunz seizneix baez okdou lumz mbouj ndaej daiq soujgih youq lajndang, gawq fuenghbienh swheij caeuq vunz lienzheih, engq yienh' ok saenfaenh swheij.

Mbouj rox daj seizlawz hwnj, soujgaen youq ndaw saedcej gyoengqvunz raeuz siusaet bae lo. Ndaej yienghneix gangj, seizneix, yaek ra ndaej gaiq soujgaen ndeu, couh hoj lumj daengz gwnzmbwn mbaet ndaundeiq nei. Youq caet betcib nienzdaih seizhaenx, ndaw daizgvih sanghden, dauqcawq cungj baij miz soujgaen gai, vava loegloeg, hawj vunz yawj ndaej dava bae, gaiq soujgaen guh ndaej gyaqciq dangqmaz, gyaqcienz hix mbouj bengz, maenz lai

geij gak cienz gaiq ndeu, cijaeu mwngz yawj haeujsim siengj cawx, caih mwngz bae senj. Danghnaeuz cawx ma gag yungh, cawx gaiq cienh di goj ndaej, danghnaeuz siengj soengq bouxyoux ndei, couh cawx gaiq bengz di soengq guh saenzcingz. Bouxyoux ndaej daengz gaiq soujgaen soengq hawj haenx, ndawsim diemzsis, gwnznaj riunyum rongh-lwenq, angq baenz ndwen baenz bi. Baez bungz vunz cix nyaenx mbouj ndaej sikhaek daj ndaw daeh yut ok

gaiq soujgaen daeuj angj baez ndeu, hawj vunz rox swheij gaenq miz youxndei lo. Youq seizhaenx, boux vunz ndaej yawj haenx hozhaenz simlangh, nyaenx mbouj ndaej swheij hix vaiq miz bouxyoux ndeu, soengq gaiq soujgaen swheij cij ndei. Gaiq soujgaen couh dwg yienghneix nyex vunz gyaez de, nyex vunz siengj miz de.

Gaiq soujgaen baenzneix ndei, vih gijmaz seizneix cix caiq ra mbouj raen gij ngauez de. Laxlawz, daj goujcib nienzdaih doxhwnj, gyoengq-vunz raeuz fatmingz cungj doxgaiq ndeu daeuj dingj soujgaen lo. Cungj doxgaiq neix heuhguh ceijgaen. Ceijgaen dwg yungh raemxyieng faex guh baenz, aenvih bau ceijgaen gyaqciq youh itet, fuenghbienh vunz dawz youq gwnz ndang, engq aenvih ceijgaen yungh baez ndeu couh vutvak bae, mbouj yungh lumj soujgaen yungh baez swiq baez, vunz roxdaengz mazfanx lai, vihneix, gyoengqvunz gyaez yungh ceijgaen couh yied daeuj yied lai lo. (caengz sat)

Dujva hoengzsien rwi gyaez douh, Ranzmbanj baenzfouq hek daeuj lai. APEC hoihhung Baekging hai, Guek raeuz hwnj daiz ciengq heiq hoengh.

Guh duz roegdiet hwnj mbwnsang, Caux aen ruzhang lumh daejhaij. Laj mbanj ndaw singz bienqvaq lai, Cungguek byaij haeuj seizdaih moq.

Ranz roh ndaundeiq bungz fwn raq, Vaq vaih loh ga nae ngamq nit. Geijlai banlax dawz mingh vut, Hojnanz guekcoj yet fouqgiengz.

Gwnz dah gyaq giuz ndei byaij loh, Ndaem hung go faex ndaej naengh liengz. Laeb ndaej minzcuj caux vwnzmingz, Dohuz cauh biengz fuk mbouj gvaenq.

Gaxgonq guhhoiq song da mengz, Seizneix hwet geng ngangx naj byaij. Fanndang swyouz bouxboux maij,

## Siengjmuengh Cungguek Loq Baenz Saed

### 中国理想梦成真

□Siz Caizyij/石才以

Guekcoj daihdaih ndaej anningz.

Sou youq henz haij dou gyawj bya, Vunzraeuz caezgya doengz siengj-muengh.

Minzcuz bingzdaengj guekcoj huengh, Beixnuengx cuengqsim gvaq ngoenz ndei.

Najdoiq faplwd gangj goengcingq, Mbouj dawz sengmingh faen gveiq-cienh.

Haep lau vunzyak hoh bouxsienx, Fap caeuq gienz cienz mbouj doxvuenh.

Daezgangj daudwz funghsang moq, Bungz nanz bungz hoj daihgya bang. Faplwd lumj gimq venj gwnzsang, Ingjciuq fangzgvaic nanz ok congh.

Gyaez guek gaej aeu gangj vah-hoengq, Daihgya simdoengz caux saedcej. Doxyaeuh doxnyaek mbouj doxndei, Vwnzmingz sevei nanz saedyienh.

Vunz lai rom fwnz feiz dawz haenq, Bouxboux gaenx guh ranz mbouj gungz. "Haedsim gyaciz" caux vuenyungz, Siengjmuengh Cungguek loq baenz saed.

Dwnngvangj dwg aen dadui liz Liengzdzungz mbouj gyae ndeu, ok sae' gva lai. Veiz Gozcingh cungj haenh sae' gva Dwnngvangj youh hung youh van youh baenzcaeux. Baezneix de okbae, youq Sanghaij ndaej cimz gij sae' gva Guengjdoeng, youq Denhcinh youh ndaej cimz gij sae' gva Baujding, laihaeuz feih, saek, aen, gyaq gij fuengmienh neix, cungj mbouj beij sae' gva Dwn-gvangj ndei. De daegdaengq daiq le geij aen sae' gva Dwnngvangj daengz Sanghaij, hawj Cinz Bihyenj caeuq Cauz Dizciuh daengj vunz cimz le, gyoengqde cungj haenh ndei. De lij caeuq gij dungzci Diegbanhsaeh Guengjsae Capyouq Sanghaij haenx doxging, laihaeuz sae' gva Dwn-gvangj danghnaeuz ndaej yinh haeuj Sanghaij, mbouj lau gai mbouj doek. De heuh Ho Yiyenz caeuq Yenvej Vujmingz doxyaeng, baij vunz bae Dwnngvangj diucaz gij namh, dienq-heiq caeuq gij gingniemh ndaem

## Veiz Gozcingh Sangcieng Cawj-guenj Guengjsae Ngeihcib Bi

### 韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

sae' gva dieg haenx, yawj ndaej youq dieg wng ndaem caeuq doigvangq lwi, muengh ndaej demgvangq dieg-ndaem, ndaej baenzbae ok, gai hawj diegrog.

Liuzyangj ndaej ndwen lai le, aenndang de gaenq ndeidauq haujlai. Ndwen 9 ndawcib, de youh bae Baekging caeuq Gyauz Yaujgvangh doengzcaez camgya Hoih Hong Cunghyangh.

Mwh hai hoih, Veiz Gozcingh cingj cunghyangh anbaiz seizgan, dingq Guengjsae gyoeblnh gij cingzgvang guh hong bwhhoenx

caeuq gij fueng' anq gviveh guh goengloh reguek, Couh Wnhlaiz cunglij doengzeiq de lo. Cinz Yinggih ngamq bae camgya gij hozdung angqhoh Sinhgyangh Veiz-vuzwj Swcigih laebbaenz 10 hopbi haenx dauq daengz Baekging, caemh doxcaeuq camgya gyoeblnh. Veiz Gozcingh raen mbaw deihoz Guengjsae gyoengqde daiq bae haenx iq lai lo, lau miz mbangj saeh nanz gangj ndaej cingcuj, goengdaez Cunghyangh saemjcaz goj mbouj fuenghbienh, Cinz Yinggih cix caeuq gij dungzci Diegbanhsaeh

Guengjsae Capyouq Baekging haenx lienzhaemh guh le mbaw deihoz Guengjsae genjheih lai hung ndeu okdaeuj. Gij goengdaez daeuj dingq gyoeblnh haenx cawz miz cunglij le, lij miz goengdaez cunghyangh Ho Lungz, Lij Senhnen fucunglij caeuq Loz Suigingh canhmouz cung-cangj. Loz Suigingh mboengqgonq bae Guengjsae ngonczaz gvaq "hwnjguh sam sienq". Cunghnanzgiz Dauz Cu caeuq Lij Yizcingh, Couh Gvanghcunh caemh daeuj camgya hai hoih.

(caengz sat)